



Կոտայքի մարզի Բյուրեղավան խոշորացվող համայնքի միակ թեկնածու, Բյուրեղավանի քաղաքապետ Հակոբ Բալասյանը կնոջ և թոռան՝ Հակոբի հետ, ով եկել էր սատարելու պապին, քվեարկեցին 28/11 ընտրատեղամասում: Հակոբ Բալասյանը քվեարկության էր եկել հանուն արդյունավետ կառավարման: «Խոշորացումը մեր համայնքներին տալու է արդյունավետ կառավարում: Մատուցվող ծառայությունների որակի բարելավում և ավելի բարեկարգ համայնքներ»- նշում է թեկնածուն: Հակոբ Բալասյանն արդեն 9 տարի է, ինչ ղեկավարում է Բյուրեղավան համայնքը և միանշանակ վայելում է բնակիչների վստահությունը: Byureghavan. am-ի այն հարցին, թե ինչով է պայմանավորված, որ այս ընտրություններին պայքարում են 21 ավագանու թեկնածու Հակոբ Բալասյանը պատասխանեց. -«Ես շատ ուրախ եմ, որ իմ տարիների կատարած աշխատանքը տվել է իր արդյունքը: Մարդիկ մեր համայնքում վստահություն ունեն ընտրական գործընթացների նկատմամբ: Նրանք գիտեն, որ ընտրություններն անցնում են օրենքի տարրին համապատասխան: Ընտրողի քվեն հասնում է իր ընտրած թեկնածուին»:

Բյուրեղավան, Նուռնուս, Ջրաբեր համայնքներում ընտրական գործընթացն անցնում է խաղաղ և օրենքի սահմաններում:

«Խաղաղություն, միասնություն, համերաշխություն»-սա է իմ մաղթանքը, ինչը կնպաստի համայնքների համաչափ զարգացմանը:

05.11.17